

سِرِّ السُّلْطَانِ

سِرِّ السُّلْطَانِ

والله يهدي من يشاء الى صراط مستقيم
ديني، علمي، ادبي، سياسي هفته لى مجموعة اسلاميه در
اتبعون اهدكم سبيل الرشاد

صاحب و مدير مسئول : ع . اشرف اديب

جلد ۲ - ۹

۲۷ ايلول ۱۳۲۸

پنجشنبه

۲۹ شوال ۱۳۳۰

عدد ۳۲ - ۲۱۴

مغلوب قوماندان ایسه مهزم عسکرینه اتباع اتمیه مجبور اولدی
ولعقینه چیقان روم ایلی بکربکی داود پاشانک لندن کوچ ایله
قورتولدی .

مفتی ماجنلکی ایله معاهده نامه نی نقض ایتدیرمش اولان قاردینال
جنابلی ، پاپدن صاتین آلدینی جنته چکیلدی ! چونکه رفقای اضلالی
ایله زمین هلاکه سهریلدی . (۷ رجب ۸۴۸)

**

یوندن درت سنه سوکرا ژان هونیاد ، دوچار اولدینی مغلوبیتک
انتقامنی آلمق ایچون ینه متفقلردن برآوردو تشکیل ایدرک قوصوه
سحرانسه قدر ایندیسه ده مقابله سنه کان عثمانلی اوردوسیه اوچ کون
چاریشوب ۱۷۰۰۰ مقتول ویردکن سوکره فراره قرار ویردی . [۱]
(۴ شعبان ۸۵۲)

**

تلخیص واجمال صورتیه یازدیغمز شو وقایعدن آکلاشیلدیورکه
عثمانلی دولت وملت ، « تحسبهم جمیعاً وقلوبهم شتی » هیئتده بولونان
دول متفقه نك وقت وقت هجوم و تجارزینه اوغرامقدن خالی قالمامش
وبونلره قارشلی (بنیان مرصوص) تعریف قرآنسنه ماصدق
برحرکت متحذانه ایله مقابله وغلبه ایتمکن کری طورمامش ، هر
تجاویزی دفع ایدرک هر سفرنده بزظفر قازانمش . ایشته اودولتی ،
اومعظم ملتی تشکیل ایدن قهرمان مظفر مجاهدلر بزم اجدادمز ایدی .
شیمدی بزمه اوغراشمق ایچین برله شلرده اجدادمزه مغلوب اولان
متفقلرک احفادیدر .

فطرت ده کیشیر ، انما بوقان یینه اوقاندر .

حکمی ، برحکمت ایسه اجدادمزک دامارلرنده جولان ایله یین
خون شجاعت بزه ، تیتره تدکاری یورکارده طوکوب قالمش اولان
خون جبانته اعدامزه میراث قالمشدر .

بناء علیه هرایکی قان ، خصیصه فطریه سنی کوشتره جک و لطف
الهی ایله بوسفرده بزم ایچین شانلی بر مظفرتی ، اونلر ایچین ده قانلی
برهزیتی انتاج ایله به جکدر .

« نصر من الله وفتح قريب »

طاهر المولوی

حرب و ملت

قورقنچ و واقانلر سماپایه داغلرک چلیک قبالردن اورولمش باغیرلرینی
آتشین دیشلریله پاره لایه رق یاقینلرینی اوزاقلرینی آله ولرله صاره چنی ،
معموره لری کول عمانلرینه ، کلاستانلری آتشین جویبارلرینه ، زمین
ویباض بولوطلری قان داغله لرینه بوغاجنی زمان بوغزم مهیننی طبیعته
[۱] مرقوم ۸۶۳ تاریخنده وبالذات فاتح سلطان محمدده جرحه دار
اولدینی بلغراد سفرنده یارالاندی و اوندن متأثراً ۱۴۵۶ تاریخ میلایسنده
وفات ایتدی .

کلدیکنی کوروب ایشیتدیله . چونکه عثمانلی اوردوسی گلش ، چونکه
عثمانلی قیلچی فعالیتیه باشلامشدی .

مصادمه نك بدایتده (سیکیزموند) خفياً بر قایغنه بنبوب متکراً
سیاخته ! چیقدی . نهایتده ایسه باشلرنده بورغونیا دوقه سی (قورقو -
سز ژان) اولق اوزره بر آدی شوایله رؤسای اسارتله شهریار
مجاهدك حضورینه چیقاریلدی .

بو مغرور جنکاورلردن بر قسمی ، بر داها عثمانلیلر علمینده سلاح
قولانماق اوزره یین ایتدکاری ایچین عفو اولوندی . حتی بومیانده
عفو ایدیان (قونت دونه وور) :

— یینکنن طولای سنی عفو ایتمکه برابر یینه میدان حربده
قارشیمه چیقماق ایچین سکا اذن و بریورم . کیت ، آدام طرپلا ، تکرارکل .
مساعده سنه ، قورقوسز ژان ایسه :

— سکا یین ایتدیرمک ایسته میورم . ممالکتکه کیدنجبه یینه بنمله
چاریشمق فکرینه دوشرسه ک بلاترد کل . بنی نمون ایدر سکا .
چونکه بن ، حرب وفتح ایچین دوغمش بر آدمم .
تکلیفنه اوغرامشدی .

**

بو مظفرتدن ۴۹ ییل سوکرا ، یعنی ۸۴۷ سنه سنده ایدی که :
پادشاه عثمانی مراد ثانی ایله ماجارستان و لهستان قرالی (لادیسلاس)
آراسنده (سه که دین معاهده نامه سی) تنظیم اولونمش ، احکامی اون -
سنه مرعی طوتولاجفته دائر قرآن و انجیل اوزرینه یینلر ایدیلشدی .
تورکجه و ماجارجه یازیلوب تعاطی ایدیان بو معاهده نامه لک داها
تمامیله مرکبی قورومادن ، یعنی تعاطیسنک اون دو قوزنجی کونی
لادیسلاس جنابلی طرفندن حکملری نقض اولونوب عثمانلیلر علمینه
تشبثانه قالدیشیلدی . چونکه پاپا دردنجی (اوزدن) ک ماجارستان و کیلی
قاردینال (جولیانوس چه زارینی) .

— مسلمانلره قارشلی ایدیان یینک شریعت عیسویه عننده
حکمی یوقدر ! طرزنده کی افتاسی ! اوزدرینه آلمانلر ، لهلر ، چهلر
وساژردن مرکب اولوب مشهور (ژان هونیاد) ک قومانداسنده بولونان
کثرلی بر اوردو ایله لادیسلاس حرکت ایتدی وایلریله بهرک واره یه
قدر کلدی .

مراد ثانی ، عسکریه میدان حربیه ییتشیدی دشمن طرفندن
حکمی نقض ایدیش اولان معاهده ناموی ، بر مزراق اوچنه صاپلاتوب
شانلی سنجانمزک یانسه دیکر دکن سوکرا مصادمه یه باشلادی .

کیرودار انساننده (قره چه پاشا) کبی فدا کار بر سردار ، نائل
شهادت اولدیسده (قوجه خضر) نامنده کی بر قهرمانده قرال
لادیسلاسک باشی تاجندن ، حتی کوووده سندن آیردی .

قرالک رأس مقطوعنی کورن اوردوسی ، قاجوب قورتولمقدن
باشقه چاره بولامادی . ژان هونیادک تشویقات و تشجیعاتی ده بالطبع
دیگه مدهدی .

افها ایدر ، او قوجه جبال متسلسله تحت الارض اورولان قورقنج ضربه لرله
صاللاغه باشلار ، اعماق ترابده فضانك بوتون یلدرملری ، رعودی
باغیریر ، محیطه برمهات غیر طبیعی دوشر ؛ صوکره ، اودت ، پک آز
صوکره اوفوران دهاش ! آرتق دیولرک ، غول اردولرینک برذره سنی
ضبط ایدمه جککاری اوجوشانی مهیب !

ایشته عثمانلی ملتک صوگ کونلرده کی تظاہرات حربجویانه سی
اوقورقنج وولقانلرک سماپایه داغلی پارچه لایاجقیرینی ، او وقتک
پک یاقین اولدیغنی ایما ایدن دهشت انکیز علامتلردر ؛ عثمانیلرک ،
اسلاملغک دشمنلری تیره سینلر بوفوراندن ؛ اعماق ملتیزده قاینایان
برکان حمیته ، دریای خونه اجرای تضییق ایلمک ایسته یلر قورقسونلر
بوجوشانی دن ! ! هم دین وهم حمیت اولان بویوک ملتارک قلب
مشترکنه اورولمق ایسته ین خیانت چکیجلیری دهها هدفه یاقلاشامادن
اوراده قایناشان دریای آتشینده آریر وکول ، کومور اولور .

بونی تاریخ عالم قورقونج حرفلرله تکرار تکرار یازمش در ؛
بونی حتی کندیلرنده سنه لردن بری بیریکدیردکاری قوتلری پک
بویوک کورن اطرافیزی صارمش ، اوزاقلرمزی آلمش قان دشمنلرمز ،
جان دشمنلرمز و دین دشمنلرمز بیلیور ، حس ایدیور ، حتی ملتیزک
قلب عمومیسندمه قایناشان عمانک چاغلتیلرینی دویویور ؛ پاره لایوب
طاشمق ، ازوب آشمق ایچین سواحل محیطه یی نصل متهور ضربه لرله
دوکیکنی کورویور وتردد ایدیور .

لکن بزده یاننده اولومک مسرت عد اولنه جنی برقورقو وار ؛
شبهه نیورز ، عجا ایچمزده بورشک کاستان وطنی باشدن باشه یا کندیمزه ،
یا دشمنلرمزه برقبرستان فسیح یایمق ایسته ین مهیب و پر حمیت عثمانلی
ملتک ایچنده بعض تیره ین ، لکن خیانت وجباننده قوی آلریمی
وارکه : قلب مشترک ملینک اوزرینه بر پنجه شامت کی قاپانه رق
دشمنلرمزه آنده کی قوت وفورانی کوسترمه مک ، رعد و برق تهوری
ایشیدیرمه مک ایسته یور و بویله جه آنلره جسارت و تاریخ عثمانی به
مؤید برذلت ویرمهک چالیشیور ؛ اکر بویله ایسه ، اکر شمس تابان
ناموسمزده عقربلر برشائبه برامق ایسته یورلرسه ؛ بشیر ایدرم ؛ بوجهانده
ذلت وانتقام هول انکیز ملت آخرتده قهر بی پایان احدیت آنلره
پنجه سنی اوزاتمش در ؛ تیره سینلر ...

تیره سینلر ، بو ملتک انتقامندن که : وقار و ناموسنی یرلره
دوشورمه مک ایچین آیلرله محاصره ده قالان برقله سنه سیغمش برایی
بیک اولاد فداکاری دشمنه عار تسلیمیتی قبول ایتمه مش ، سلاح
طاشیمغه مقتدر اولان هرکس اولاکندی چوجغنی ، همشیره سنی ،
زوجه سنی کسه رک قره طوبراغه کومد کدن صوکره بایراملق البسه لرینه
بورونمش ، یالین قیلیج یوز بیک کیشیلک دشمن اردوسنه صالیدیروب
شهید اولمشدر ! بو آنه قدر بویله و بوندن دهه عالی فیثاتلره متقابل
محافظه ایدمش ، قانلی عصرلرک یالکز قهرمانلره حرمتکار اوموزلرنده
طاشینه رق بوکونکی اسلامره ، عثمانیلره تسلیم ایدمش اولان اوخزینه

اطرافنده دولاشان قره یوزلی خیرسزلرک یالکز بی حیا آلری
کسیلمیه جک ، بوتون اسلامیتک ، عثمانیتک ساطور عدالتی ملوث
وجودلرینی ده تاریخک کلاب تحقیرتی آغزینسه پارچه پارچه آتوب
براقه جق در !

بوسنه - هر سک ده آغلایان ، صربییه ، بلغارستان وحشتکاهلرنده
ارککاری شهید ، قادیلرینک عرضی هتک اولنان ، سبریا چوللرنده
حیوانات وحشیه کی دوکولن ، سوکولن ، افریقای شمالی چوللرینی
کندیلرینک و دشمنلرینک قانیه صولایان بدبخت اجزا و افرادی ده
داخل اولدیغنی حالده بوتون هیئت مهیبه اسلامیت بوکا عهد ایتمش در .
بوکون اسپانیول وحشیلرینک بر جنت کی بولدقاری و ملکار کی
وعدلر ویره رک کیردکاری قره طالعلی (اندلس) ک تاریخ انجمنی
کورن اسلاملر ایچنده « ارکک کی مدافعه ایدمه مدیکک وطنک ایچین
قاری کی آغلا » خطابنه تحمل ایتمکی تصور ایدمه ییلن بر فرد یوق در .
بوکون یالکز عثمانیلغک دکل ، وطنداشیر ، اسلامیتک
صوگ تجربه طالعی یاپیورز . بونی اک عالمزدن اک جاهلمزه قدر
حس ایتمکده یز . عثمانلی ماتی بر آیاغنی آسیای صغرانک کنارشالیسنه ،
دیگر آیاغنی آوروپانک جنوب شرقینسه آتمش ، قامت بلندیه اسلامیتک
صوگ کورشنی کورشه جک ؛ بیلیمک ، صورمق ایسته ز ؛ تأیید حق
وحمیته صیقیلیمش یومروغیزی طوتمق ایسته ین کیم در ؟

متهور بکلر ایکن آرقه مزده میلیونلرجه جوجقارک ، باکره لرک ،
علیل اختیارلرک شهیق اندیشه سنی ، اذانسز قالمش مناره لرک این حزینتی ،
کفنسز شهیدلرک نفحات ارواحنی ، بتون عالم اسلامیتک پایه احدیته
یوکسان زمزمه مناجاتی دویویورز ، نهایت ، اودت نهایت کعبه اللهدن ،
روضه قدسیه نیدن کان بر اثر لاهوتی ایله احاطه اولدورز .
صوارز که : بز ی بوغزای اکبردن منع ایتمک ایسته ین کیم در ؟
محتضر نا امیددن آب بقای ، محکوم جحیم مؤبددن جنان صفایی ،
تشنه هدایتدن راه کبریانی چالمق ایسته یلری ملت بیلیمک ایسته یور . . .
مقابر انبیایی قاریشدریمغه چالیشان دشمن سونکولرینی سینه سنه
صایلا تمق ، کتاب الهی چیکنه مک ایسته ین آیقلره شهیددن قلعه لرله
مانع اولمق ایله یاشامش ، نیجه شوکتلی عصرلر آنجق بوفیض ایله فناده
بقاسرینه مظهر اولمش اولان عثمانیلر ، اسلاملر آرتق بر آدم کری کیتیمک
ایسته مه یور . . چونکه آرتق آرقه ده دین و ناموسک صیغابیله جکی
قدر یر یوق ؛ هیمز بر اوچورومک کنارنده یز ؛ لباس دین و ناموسی
دشن آیقلرینه براققدن صوکره یارین حضور اللهه عربانی سیات
وذلتلرله می چیقاجغز ؟

ایلری به دشمنه ؛ چونکه : ای بیلیمک :

« اؤکز دشمن ایسه آرقه مز در یادر ! »

۲۴ ایلول ۳۲۸ ، کوزتیه

علی رضا سیفی